

鶴山縣志卷之二上

地理

沿革

鶴山在兩漢為四會縣地屬南海郡

新修廣東通志沿革表

晉元熙二年分南海郡地置新會郡宋齊梁陳因之

隋為新會義寧二縣地屬南海郡

謹案義寧縣宋元嘉中置屬新會郡隋開皇十年廢新會郡為縣置封州義寧屬之十一年改封州為九州尋改岡州大業三年州廢以新會義寧二縣屬南海郡宋開

鶴山縣志卷之二上

地理

一

寶五年廢義寧入新會六年復置太平興國二年更義寧為信安熙寧五年廢為鎮入新興縣屬新州元祐元年復為縣紹聖元年又省為鎮後復為縣南渡後省按開平縣志云熙寧五年省信安所轄雙橋長居靜德三都入新州新會縣志亦同此不知何所據然舊志相承必有所本雙橋一都後由新興割附開平今又由開平割附鶴山然則鶴山亦古義寧地也

唐為新會義寧二縣地屬廣州

五代南漢為新會義寧二縣地屬興王府

謹案梁貞明三年清海節度使劉巖僭據番禺以廣州爲興王府

宋爲新會新興二縣地屬廣州及新州

謹案宋史地理志太平興國二年更義寧爲信安南渡後廢不言廢入何縣新會志云入新會鶴山舊志因之然以熙寧五年例之當仍廢入新州也據開平縣志云明洪武二年省新州爲新興縣編開平一帶爲長居都與靜德雙橋二都並隸新興舊志相承如此三都至明猶隸新興亦可爲廢入新州之一證矣

鶴山縣志卷之二上 地理

二

元爲新會新興二縣地屬廣州路及新州

明爲新會新興二縣地屬廣州府及肇慶府

本朝順治六年析廣州之新會及新興恩平三縣地

增置開平縣雍正十年析新會開平二縣地置鶴

山縣屬肇慶府

俱同上

謹案

大清一統志開平本恩平之開平屯其後割恩平新興新會三縣地益之置開平縣又雍正十年或作九年蓋建縣之議起于九年而成于十年也

疆域

鶴山東西地廣九十里南北袤一百一十五里東
北爲古勞都藥逕司轄西爲雙橋都雙橋司轄中
爲附城都典史兼轄東至新會杜阮村界四十里
南至開平凌村水界三十五里西至開平縣水井
營五十里北至古勞大河中與南海分界六十五
里西南至開平縣麥村界四十五里西北至高明
縣楊梅汎界五十里距新會縣城七十里距肇慶
府城二百六十里距開平縣城一百里距省城二
百九十五里距

京師八千二百八十里

舊志

都里

鶴山縣志卷之二上

地理

三

通邑共七都曰附城都曰新化都曰遵名都曰古
勞都曰雙橋都曰新興都曰得行都

附城都土籍共五畝

原古博都開平割附

八畝十三畝

新設

十七畝十八畝十九畝

附城都西共二畝

新設

一畝二畝

附城都墾戶共十一畝 一畝二畝三畝四畝五

畝六畝七畝九畝十畝十一畝十二畝

新化都共四畝

新會割附

一畝二畝三畝四畝

遵名都共一畝

新會割附

二畝

古勞都共二十畝

新會割附

一畝二畝三畝四畝五

畝六畝七畝八畝九畝十畝十一畝十二畝十三

厝十四厝十五厝十七厝十八厝十九厝二十厝
二十一厝

雙橋都共五厝

開平割附

一厝二厝三厝四厝六厝

新興都共二厝 一厝二厝

得行都寄籍共二厝 二十六厝二十九厝

會一厝寄籍共一厝

東一厝寄籍共一厝

縣南附城都村庄

東關 南關 大官田 平頂 利逕 邠子型

黃村 永昌 新田 山華 隔水 水邊

蓮塘 良村 余屋邊 址山 募房 渡頭

鶴山縣志卷之二上

地理

四

大凌 上大葫 下大葫 郭村 大坑 榕樹

下 小凌 龍灣 麥村 邠葫 龍眠 橫坑

橫水東坑 南洞 甘村 龍眼洞 五凸型

橫水 小官田 北芬 龍團 祖蓮坪 禾

谷坪 平山 和安 殷洞 樟木樹 雲鄉坪

白米田 平沙 鳳朝里 龍興 黎村

在開平縣

界內

縣東南遵名都村庄

黎村 連岡 平岡 石逕 松下 藏龍 良

耕 庄頭

縣東新化都村庄

萊吉 大緣合 洗黃 武村 邗姜 麥園
萊巢 鶴和里 萊蘇 高圳 李村 平地嶺
石塘 漢塘 榜塘 曹坑 鐵岡 大凹
東坑 盤鶴岡 南庄

縣東北藥逕司屬古勞都村庄

坡山 樓冲 越塘 黎邊 龍嶺 牛旺 笋
山 竹萌 三富 上邗白 下邗白 蓮塘
朱村 古造 逕心 祿洞 乍富 霞洞 赤
草 雅瑤 逕口 石頭 陳山 漚珍 黃洞
萃岡 文邊 文樓 茶園 石硯 小范 湖
下 烏石 大萌 大洞田 水沙逕 邗圍洞

鶴山縣志卷之二上 地理

五

橋坑 泊步 新塘 隔萌 大嶺 塘田
古蠶 佛坑 陸相 黃寶坑 沙牛 吳坑
沙涌 邗凹 蜆岡 雲堆 傑洲 赤坎 水
口 維敦 大埠頭 招溪 大埠 龍溪 麗
水 麥村 上坑 塘厚 大郡 旺宅 南安
文堂 羅江 大江頭 小江頭 大岡里
玉橋 大潭 沙浦 前江 水東 水西 甫
草堂 大園嘴 芸菜 澁蓼 隔水 早禾涌
逢貴 倉下 白雲地 黃泥坑 龍井 蟠
頭 黃村 仁面岡 白水坑 石頭 龍坑
岡嘴烏石 大坑岡 新岡 東山南峽 東邊

坑 大塘 直水 大塘江宰 大萌 蛇頭岡
霄鄉 安分 石龍 堯溪 平心 朱六合
盆洞 馬岡 沙洞 木綿岡 鳳曹 鳳新
凹峽 鳳尾 狗頭岡 上賢洞 錢塘 沐
河 清溪 大坑坪 塔檐塘 良道坪 棠都
觀音座 崩口塘 蟠溪新村 寨岡 高坪
龍護 那圍水

縣西雙橋司屬雙橋都村庄

宅梧 邗允 羊眠山 鳳安 疊田 梧村

佐塘 選田 大坪 康田 來吉 堂馬 羊

盤 沙芬 荷村 磨檔勾 塘坭 靖村 曾

鶴山縣志卷之二上 地理

邊 長岡 大萌 金盆 林梅坑 菩提山

洗馬潭 船田 宅田 秋田 坑尾 松根

鳳岡嶺 布磊 布磊新村 霸村 東門 區

村 布尚 安塘 葉洞 塘規 嚴村 塘湖

塘勾 塘肚 坑頭 表村 吉塘 長寧

橫坑 羅洞 康田 鳳山 塗村 流源坑

烏石灣 古跡 蕉子坑 長樂 鳳落 李村

上樓 雲益 雲勇 雲獨 雲担 雙石

赤米銀 和塘 新田 伏村 楊梅 華村

四合 廬村 西園 東村 豐樂 太平 大

陂 蘇坑 隆興 新灣 白水帶 新安 茶

岡 十字路 白石園 天湖坪 萬家 葫蘆

嘴 龍塘 在新興界內 俱同上

山川

鶴山在城內其形如鶴置縣時卽以名縣知縣劉

繼構亭于其上顏曰鶴頂肇慶府志道光四年知縣徐

香祖重修採訪冊

國朝劉繼鶴頂亭記縣名鶴山蓋因山形而名之然鶴固仙禽也軒然其體皓然其羽戛然長者其聲銳然勁者其喙清遠間曠啄蒼苔而履白石者其性也故耻與雞鶩爭食而與鸞鳳爲羣獨立以方乎延祖雲中復擬之子駿斯豈耳目之近玩而致謂於乘軒也哉此趙閱道以之自隨而蘇子瞻嘆其難進而易退也然詩不云乎鶴鳴于九臯聲聞于天易不云乎鳴鶴在陰其子和之是故聖人在位而遊于甸稱上瑞焉其爲盛世之羽儀固非冥冥之鴻所得比也然則

鶴山縣志卷之二上 地理

其所以致望於出身加民發邇見遠者固有深意存焉而豈但取象於山形已哉然使鶴但元其裳編其衣高其冠而耽耽逐逐日與在梁之鶩爭食則清濁不分人將貶鶴爲鷺矣余于山之巔倡建小亭顏曰鶴頂非敢擬崑崙之舞妄希瑞應亦非寓懷於勾漏令之丹砂實仰體乎 聖人錫名之意而求免乎世俗之譏以自勵焉且俾蒞是邑者憑眺與思懋著循蹟以鳴 國家之盛則鶴爲仙禽人爲仙吏豈沐猴而冠以祿位爲榮者比耶後之人尙其顧名思義可也

崑山在縣北四里與崙山並峙人合呼爲崑崙山

大清一統志 崑山有道人卓庵于上其巔有井曰天

井崙山上有白龍池故老云有龍飛騰于山巔輿地

紀勝 雲生其中卽雨廣東輿圖 崑山高千仞登其上則南

海順德新會高明新興開平四面河山盡收眼裏

白沙詩所謂氣蓋東南萬萬峯者也通志云漢東

郭成仙于此嘗植桃李池上人得取食懷歸則雲
迷出處乾隆八年自正月至夏四月不雨邑令唐
若時徒步登絕頂祈禱吏人莫克從甫歸而雨亦
其驗也崑崙山在縣治正西距崑山二里許或呼爲

大崑崙小崑崙舊志

明陳獻章望白龍池詩西望不見崑崙池白龍上
天歸何時望中心逐飛雲去半掛玉臺松樹枝涵
虛數尺鏡光圓舊是頭陀洗鉢泉又有山人來洗
耳白龍休占水中眠雲影天光共一池池中消長
白龍知仙翁騎龍上天去只有明月照漣漪次
韻謝天錫登三層頂望崑崙池作兩眼高憑何處
空白龍猶在有無中旁觀莫道崑崙小氣蓋東南
萬萬峯手拍崑崙歌次寥虹橋月下拜相邀回頭
笑向元真子纔到葵山怕路遙次韻張別駕古
勞望白龍池詩一泓何處瀉天池泡沫君看水面
粼若對崑崙修缺典數篇休欠白龍詩
國朝黃洪詩迢遙天末亦崑崙千仞藤蘿擬獨捫豈

鶴山縣志卷之二上地理

有扶桑來日馭寧無星宿濬河源烟雲乍似羅浮
合呼吸常通帝座尊信有精神來感格龍池看取
雨中原
葉彬詩雨餘山色靄春妍萬仞崑崙上插天樹抱
綠雲依古洞花籠紅日下新泉晴分鶴嶺千峯翠
高峙山城萬井烟二十年前叢棘處栽來桃李漸
然蒼

謹案白沙諸詩俱在集中舊志祇錄其二
又誤作李渭今補正

三寶坑在崑崙山右相傳有珠光三炬山人往往
見之產礪石舊志

寶蓋山在大洞田村由崑崙山透迤數十里直聳雲
表如幢旛寶蓋上有麻藍仙蹟

謹案舊志云在黃洞誤今改正

大城山與大雁山相隔十里形如城垣為縣東保障其南為將軍山山下飛瀑如簾高十餘丈石壁峭然謂之飛泉洞

香泉嶺在大城山怪石嵯峨泉自石穴中滂然流出味與他泉異左右喬松密竹藤蘿薜荔具巖壑之勝

國朝黃滑源大城山香泉記畧邑東南隅奇峯突起參天曰寶蓋山蜿蜒十餘里迴而峙者曰大城山以山勢周環擁衛若城郭然故名曰大者鄉人尊之詞也山半兩石壁立數十仞中有流泉分三折而下味極香冽初由石壁落石礫巖不可踞坐立而視之泉內有小蝦蟳游泳其中僅若粟粒色金碧歷歷可辨去十餘丈有偶石可坐六七人障其源可以流觴如蘭亭最後分兩穴湧出屈曲盤折加以茂林陰翳老樹槎枒入其中暑不覺炎寒不覺涸則于遊人宜夫泉之香於山也不知幾千

鶴山縣志卷之二上 地理 九

百年矣而志乘缺焉文學宋公文濤游焉而紀以詩人始知其為香泉也而猶未甚著今邑侯劉公輯鶴邑新志乃錄其山而及其泉而泉之香乃遠聞地以人傳豈不信乎或曰蘭生幽谷不以無人而不芳泉雖香安必外求人知哉余笑而善之

飛鵝山在直水村旁舒兩翼一峯獨秀形如飛鵝其南有昂其首若鳴者有俯其首若食者其北有縮其首若宿者造物之巧如此俱同上

大鴈山在縣東七十里舒兩翼如飛鴈從天而下延袤兩邑西則鶴山東為新會與西樵圭峯並峙舊志海目山亦名偶山附其足望之若鳧鷖之在水際

牂西來至此分而為二其一下甘竹灘其一繞山下如帶出江門以達于海何絳寄胡方詩云數株楊柳讀書堂大鴈山南

金竹岡萬里西江門外過與君曾次合相當採訪冊與峯巒數十周四十里

上有清潭潭水瀏浏散為飛瀑北五里曰三重嶺

有泉冬夏不竭廣東嘉靖間遊人有以不潔投者

水忽逆流而上投者幾墜水中舊志舊有寺曰海會

明末土賊踞為巢穴伐石作路築砲臺以拒官軍

順治初剿平之寺亦毀其山宜茶來往采茶者相

續不絕猶呼石路為走馬路云採訪冊

沙螺嶺在越塘望樓里鄉人九月登高于此產小

石子以水浮于杯上皆作螺紋舊志

龜山在樓冲有龜齡菴林樾幽美

了髻山在古勞高峯插天上分兩歧與皂幕連接

鶴山縣志卷之二上地理

為數縣之表識

圓岡在麗水村高僅十仞大亦如之此地北風不

到樹木陰翳冬暖夏涼行人憇焉其石如伏虎奔

豚仰孟覆金土石相參可植花卉山麓有廟鄉人

李慈萬建

石巖頭山在古勞麗水村左有石巖可容十餘人

以避寒暑西潦漲時往來船皆旋繞巖前帆隨湍

轉大有可觀俱同上

葵根山在良道坪之西南明白沙弟子謝祐隱居

于此山下有泉曰九曲泉最高處為三層頂祐有

歸山詩云春風春雨入山時便借清流浣舊衣活

水引龍歸古洞老松棲鶴上高枝看花得意流連
舞坐竹隨陰次第移踪跡往來難捉摸此中疑有
白雲知白沙嘗親至訪之有詩祐歿卽葬于此土

人遂名其山為謝天錫云天錫祐字也採訪冊

陳獻章次韻謝天錫登三層頂望崑崙池詩見前
葵山小睡次韻謝天錫閒到忘閒始是閒閒中消
得幾葵山曲肱枕斷疎桐影夢繞白龍池上還無
心可比白雲閒白雲被風吹出山道人肯比桃花
水流向人間更不還 葵山受諸持齋者拜戲作
示之山花山鳥共諧嬉山石危橫步不知笑領頭
陀稱老宿真成老子是嬰兒 寄謝天錫不了從
兼病與貧小廬峯裏白頭新問誰肯我同情舍垂
老思君是故人世事轉頭渾覺夢烟花過眼可憐
春幾時來伴江門釣閒與諸孫講舊聞 與謝祐
易生忽與謝生來小雨初晴到玉臺笑我十年皋
席坐為君今日華門開古來委吏非忘魯世外高
人亦姓回滿眼示人人 不識更從何處話根荄

鶴山縣志卷之二上 地理

謹案葵山無傳集前詩見任六推詩野集

中六推有和詩卽次其韻又霍渭厓李子

長墓誌亦引中兩聯曰活水引龍歸古洞

老松棲鶴上高枝志嘉遯也看花得意流

連舞坐竹隨陰次第移言自得也查西樵

山志又作祐遊樵詩起二句云春來且赴

碧山期萬壑啼鶯待舉卮今按六推和詩

云托跡葵根養晦時不妨清露濕荷衣則

原唱為時衣二韻無疑六推萬厯間人相

去不遠題云和謝山人隱居詩合之渭厓

志嘉遯一語其非遊樵山之作可信也

齊雲洞在烏石鄉三石鼎峙呀然成洞中有石如
牀明季鄉人任六推偕諸文士遊詠于此有古井
投之以石聲隆隆然其深莫測或謂當風雨晦冥
時閃爍有光蓋古之銀井也採訪冊

金剛山在城東三十里竹木青翠下臨碧潭水清
魚美坐石垂綸者終日不絕上有汛防戍樓烽堠
于樹杪掩映見之實畫境也舊志

國朝呂光弼詩嚴子寧無瀨任公亦有臺不知滄海上曾得此人來晚汝垂虹影危磯點石苔釣筒閒自捲歸路接蒿萊

宋明川詩陰涼翠樹野情關別見生涯綠水灣三尺絲綸無限樂一竿風雨幾人間魚從雲影拖溪上笛和波聲繞鶴還回憶披裘千古事茫茫煙鎖富春山

鶴山縣志卷之二上地理

十三

樵徑隔林霏山靜戍樓古雞鳴烟火稀晴沙秋遠近時見白鷗飛

高珠岡朝對竹朗村與小珠岡兩峯並峙前明施
應岳結廬于此植竹爲垣因號竹洲

朝仙岡在玉橋村迴環約五里許孤峯特起四山
拱向若眾仙朝闕山半有仙人履跡跡水長盈秋
冬不竭

龍頭山在龍嶺村東蜿蜒數里如龍昂首歲旱禱
雨輒應

飛鳳山在堯溪村前展翅舒翮形若飛騰石竅出
泉雖旱不竭

相公山在堯溪北挺然秀拔體貌尊崇四面峯巒

列為輔弼士人因以相公名之俱同上

龍蟠嶺上多雲氣廣東輿圖在祿洞村後山下有泉曰

龍泉舊志

旗山在祿洞村東與龍蟠並峙峯巒層次相因如

張大旆

障貝山在縣城北巋然拱後

馬耳山在縣北與崑崙相接兩峯如竹批雙耳高

入霄漢俱同上

曹幕山在縣西北十六里接開平高明二縣界脈

自崑崙山來高千餘丈延袤百餘里左右岡壟如

張幕然一名皂幕山前有獅子岡大石峻峭鄉民

鶴山縣志卷之二上地理

結寨其上大清一統志向有獠人墾山為畚其南有

石門崦峒林木翳翳西南有花果園舊有皂幕寺

云舊志

明許炯詩參天黛色三千丈鎖地烟霞十二重花果園前無舊路仙風時送一聲鐘

李之世詩半露雲牙半插天危峯倒卓若虛懸試從霽後看山色白白蒼蒼幾縷烟

雲宿山在雙橋都高百仞週廣百四十里環拱合

都登高眺遠端州佗城厓海高涼歷歷在目頂上

巨石壘垣如城不知其所自始有石棋盤或曰仙

跡也

國朝呂光弼詩直接海天色羅浮若比鄰榻來名勝地生長此邦人飛葉寒無影歸雲下絕塵錦囊貽

一片舒卷在青春梁東大詩不教老脚畏嶙峋得得孤行若有神洞

日烟霞迷入路奕臺石磴迴無塵眼空斯世三千
界勝壓前遊數十春意欲結茅山頂上白雲能許
我為鄰

謹案太平寰宇記云封水出雲粟山南中

風土惟稻無粟此山種粟即成故名 大

清一統志云雲粟山在鶴山縣西疑宿即

粟字之異耳方輿紀要云一名雲岫岫與

宿亦聲相近而異也寰宇記又云一本作

靈粟則靈又因雲而誤矣

彩虹嶺在雙橋都昔僅羊腸小道建縣後邑令黃

大鵬倡雙橋都人鑿而通之并為之記

國朝黃大鵬彩虹嶺記嶺西雙橋開平舊割之地也
割附鶴山隔離八十里中為皂幕山嶽崎險仄鳥

鶴山縣志卷之二上

地理

古

道一線行人往還必迂道奔北芬雪村古愚井營
始得至其地民甚病焉謂其於開近而於鶴遠也
捐金錢募丁壯從山徑中剗削平坦就其勢之折
旋而為路凡三十里而達其地度斯嶺也第見樹
木叢生怪石林立松風歟泉聲歟鳥語歟自然天
籟溷溷入耳崇巔結亭極目視之左雙橋右縣治
一邑之勝都收眼底向之紆迴繞道朝發而夕始
至者今則竭一日之力即可朝出而暮歸矣不寧
惟是山徑既開地脈聯貫呼吸可以相通指臂亦
即援應抑又此都蒼生之福也自是雙橋至縣者
必由斯嶺而上縣至雙橋者亦必由斯嶺而下蚪
蟠千仞如一道長虹藻彩繽紛另開生面詩云雙
橋落彩虹此天然佳境也
呂源詩優游林下醉薰風蒲扇芒鞋度彩虹幽壑
倒垂千樹影夕陽斜映半山紅隔江鐘徹催行客
遠笛聲悠返牧童歸去莫愁無照乘微茫新月漸
橫空
宋大榮過彩虹嶺詩東西虹嶺斷進退兩心違樹
密雲迷路風橫雨逗衣硯田謀食拙花樣入時非
惟有栖元豹能參靜者機

龍頭嶺高峯絕巘狀類飛龍嶺頂有一土孔俗謂

之龍口值亢旱則農民登山以火薰龍口天輒雨
屢有奇應

烏臺山在洗田鄉萬山環繞一峯獨秀有石方正
平時上可坐數十人土人以烏石臺名之

國朝宋大榮登烏石臺詩斷非因巧匠積石自成臺
穩對仙人奕高容九日杯彩虹含雨落了髻拂雲
來慙乏米顛筆
畱題別蘇苔

君子岡在四合村南三里以其端凝聳秀故名之
相傳有異人夜讀書于此直齊東野語耳

遊魚山離西園里許樹木葱鬱波流潌洄

牛鬪山在萊巢村上有天池山下有石巖曰桃萌

洞洞旁建玉台宮相傳呂仙曾降于此

鶴山縣志卷之二上

地理

十五

石門距城二十里為縣南第一鎖鑰兩山夾立狀
若洞門下為鑼鼓潭終日聲隆隆然附城都諸水
皆從此出

明馮炎廷詩萬籟寂已久風吹聲透簾石門人靜
後山館夢難甜似鬧春燈典還疑鶴唳兼披衣一
為望星月
滿前簷

壁峯山在余屋邊村後特起如植圭璧左有石龍
潭右有石山

雙鵝山在大凹村東北兩山肩隨而出若鵝舒翼
環顧狀彼此畢肖其差南者大凹人宅兩脇居之
而立祖祠於其嶺

髻隆山在鐵岡村北高三百丈穹窿冠一方形類

環髻麓之南怪石盤結有仙人蹟

兩金鐘山一在縣城南聳然獨立爲邑屏障一在附城都北芬左平地特起形狀如鐘

小娘尖離東村塘馬二三里許橫列如三台上有石翹然特異

羅漢尖羣山排列若羅漢雜坐又特出一峯適當其闕在縣西北三十餘里

白石壁在四合村南四里橫立水中當大河之流龍珠石在坡山蟠龍岡下兩兩排列直出江心十餘丈忽有卷石突起人呼爲蟠龍吐珠

釣石在坡亭下

鶴山縣志卷之二上

地理

六

石牛在坡山平田中突出雙石土人呼爲石牛

鷓鴣石在蘇海之濱或出或沒乘潮宕漾如鷓鴣然

仙人石在橋坑蟠龍岡高八九尺屹如人立

紗帽石在祿洞枕蟠溪中流其形前俯後仰兩翼橫舒離數武又有儒巾石

阿公印在霄鄉平原中高僅三四尺較低于村然潦水漲時村地已淹而此阜仍見

蟾蜍石在崙山下小水坑中土名白石了形似蟾蜍有口天陰暗津水不乾

七星石在南洞村前水口平田中七石磊落可玩

夜常有光氣里人廖纘光有詩云田中七塊石疑是應穹蒼夜夜珠光現精華寧久藏

橫地石在雙橋彩虹嶺似人橫臥於地邑令黃大鵬勒橫地二字于石上其詩曰雙峯插幽壑萬松屯古雲中有石人臥枕流冷夕曛乾隆十五年邑令張甄陶惡其成形象擊碎之

鴨仔石在四合村北一里兩山夾澗澗平而淺水居石下石立水上層次如羣鳧逐波

俱同上

附城都小河一自崑崙發源匯於樂利抵禾谷坪與黑坑五凸型河合流至石門上會雲鄉諸水出址山至凌村前水口達大江一自平逕通龍坑蘿

鶴山縣志卷之二上

地理

七

蕎坑發源至柳冲渡前與開平牛欄坑水合流過

榕樹下出開平水口入大江

舊志

新化都小河一自小官田鐵岡發源會於合洞前達大江一自南洞高圳發源過李村萊巢大凹與平地嶺漢塘榜塘河合流過新會潮透村入大江古勞河卽牂牁江也中與南海分界江發源滇省至廣西合眾流以入羚羊甫出峽豁然奔放一瀉數百里直達厓門古勞坡山當上流之衝夏秋時見西北最遠處有大雷電卽知某日潦漲其至也頃刻盈丈勢若黃河官斯土者督民救護基圍不遑暇食或有潰決則內地之桑稻魚塘屋宇皆澤

國矣邑令黃大鵬勒蘇海二字於坡亭石壁上故又名蘇海

古勞小河一名小海又名三夾海一發源粉洞一發源狗頭岡一發源崑山一發源祿洞會於橋頭獨岡過大基頭與樓冲河合流出小口入大江
濳水發源霞洞百折而匯於濳珍村前有珠壳潭雷雨將作時有奇光隱現故水口一小山曰圓珠岡下通潮汐濳水夾流至此遇潮旋轉乾隆十九年建奎閣以畜之

雙橋都小河發源於羅漢尖雲益村布磊村至靖村合流過塘馬抵老虎尾與四合西園豐樂二小

鶴山縣志卷之二上 地理

六

河會出開平入大江

荔支浦在越塘盤石里柳溪迴抱石臺錯列里人鷓咏於此

桃源夾水在祿洞村塘山帽峯二水旋繞數十里至此襟合爲一桃花夾岸頗類武陵

竹溪環抱竹朗村下發源龍蟠嶺曲折灣匯鄉人施仁厚嘗隱此號爲竹溪釣耕叟

積穀潭在朱六合周方僅尺許中聚浮沙自爲盈虧每歲正月穀日盈則穀賤虧則穀貴俗人常於此占驗以籌卒歲之計

俱同上

謹案舊志訛在沙洞今改正

菁潭在縣城西郭外稍南數里深莫可測上流巨石如門懸崖噴浪若奔馬然石門內奇石錯列立者歆者伏者起者形各有所肖或遠或近或奇或偶可坐可臥也

採訪冊

泉澗卽白水坑其山延綿迤邐高百餘丈峯巒巖置水從石壁瀉出晝夜不息晴聞瀑響則雨雨聞瀑響則晴往往有驗

舊志

倒流水在堯溪之西每遇山潦暴漲其水倒流故名

同上

大塘在大郡村前週廣二百餘丈乾隆五十三年

築

採訪冊

鶴山縣志卷之二上

地理

十九

白旂石水在彩虹嶺西懸崖瀑布如掛晶簾其流直達蠻橋汎及選田荷村灌溉田畝甚廣

同上

大魚池在黃洞村前寬十數畝有魚二頭其大如門長老相傳畜自順治初年每晴久翻浪必雨雨久騰躍必晴童子或浣浴撫摩其尾並不驚躍

舊志

龍潭在靖村東皂幕山下潭底有石龍長二丈餘

天時亢旱往禱立雨

聖潭流泉在四合村石碧千尋流泉瀑布其清徹底旁植菜竹猗猗秀美

天湖在雙橋都週圍六七畝雲影星光似與天接今漸淤塞旁爲天湖坪村

黑坑在皂幕山下向為盜賊淵藪今俱開闢民多採樵

官福泉在小官田員山下大路旁其味甚甘暑月飲之不生疾病人取以煎藥聞昔有濯足以汚之者其泉忽涸里人禱之復流不絕

七甕潭在龍眠村黃沙窩坑底有水潭大小七處形似甕口晴久內響如銅鼓則雨雨久復響則晴靈驗不爽

古寒泉在凌村山後寬不滿三尺深莫知所止澄清香美冬夏長盈陳經綸未仕時常與高人吟咏其間後因以為號

鶴山縣志卷之二上 地理

懷新泉在城內西北邑令黃大鵬紆而折之砌成荷葉形引入泮池其泉味甘而不竭

國朝陶正中懷新泉記官田北十里許有山曰崑崙體勢端嚴羣峯環峙山之西連新興甕峒裏峒二十里山南則新寧古兜百峯上下川諸島綿亘五六百里林壑邃深為縣治邊界守土吏隔遠不能遙控自前明成化迄今徭蠻土寇踞巢煽虐歷二百年民人未有托居者今大司馬總制鄂公來撫粵士民呈懇建縣公謂興地利而遏盜源無踰於此者請於朝報可賜名鶴山縣乃築地於崑崙之陽緣阜據麓為屏展因地勢也正中奉公命先後三至相陰陽觀流泉其為地脈融結可以孕育人文控扼險要者心領神注繪圖以呈願東西兩水夾流城處高阜跨流則奔激可虞就陸則谷汲未便擇利殆有難焉者公按圖熟籌與前任方伯今大中丞撫憲楊公商確指示先定規模邑宰黃令乃於城西北址掘得泉源滲漉浩湧而出輿情驚悅又城東城北再逢土泉二穴引流周注匯於泮池如環如帶縣治西南百步而近乳泉沸起如濺珠如鳴玉淳滋甘美民生並賴蓋造物鍾靈俟時乃

顯前此空山縈翳寧知今日卜邑成聚可用汲並受福耶邑人議疏沼築亭名其泉曰懷新以見去莠安良不忘新恩之意因爲文以記之後之人飲水知源洗心浴德則鍾靈不獨在山澤矣

倉前井在邑城中鶴邑初建泉味多澹飲之輒枯津液年來人物蕃庶土膏日沃漸趨於甘城中之水以此井爲上

古勞井在古勞村心坊原名范家井汲以煮蘇木紅花鮮艷異常環井居者多染布爲業

石龍井在蓮塘邑令黃大鵬名之村心平坦處突起石磴由左繞右蜿蜒數丈若臥龍然井天然居中深僅尺許廣半之泉上出平螿汲不用綆于灶所需取之不竭

鶴山縣志卷之二上 地理

三

水源井在越塘大朗里昔馮遲初至欲卜居于此以地礬鹵水不可食因禱曰此地若可居當出甘泉越日泉果甘于是鑿石成井而居

畱澤泉在樓冲龜山下石竅出泉舊名龜齡井明縣令丁積嘗憇山寺曉諭鄉人後人懷之遂易今名

大井頭在坡山村心坊清而不冽隆冬井涸此獨如常取以纜繭其色晶瑩絲之佳者稱坡山絲以此水也

銅鼓井在霄鄉村闊七尺深八尺週年不絕不圈不砌旁石版有汲水壘痕又一井闊三尺深丈餘

相去數十丈亦不圈不砌彼此汲水聲響相應亦可異也

俱同上

半月井在烏臺山下泉自石窟湧出欄甃半月形

採訪冊

石井在甫草塘山坡頑石甃之深五六尺淵澄無滓味與他水特異胡大靈韓橋村諸名士俱有詩

汪後來為記

舊志

石井詩幽澗泉甘冽青陂在井闌香分春茗綠清徹石苔斑遠勢羣峯疊盤空衆壑環自應能却老策室萬松間

鶴山縣志卷之二上終

鶴山縣志卷之二上

地理

三

鶴山縣志卷之二下

地理

風俗

俗尚門第矜氣節慷慨好義不甘詔屈學校之士頗重實學不逐虛名邑長衙署雖公事亦罕至

舊志

昏禮以檳榔椰子古勞茶為首重之物娶婦鮮親迎先一日男女家俱行醮禮延族戚敘飲謂之坐花燭昏夕設席房中夫婦飲膳謂之食煖房飯必有鹹魚一盞謂之久長飯次早拜家廟見翁姑親黨獻幣帛悅履謂之荷惠即古禮棗栗服修以獻意也

舊志

主人請族中婦女合食曰食新婦米各家

鶴山縣志卷之二下

地理

一

備油堆油結炒米之類代主人分饋親戚曰代茶

採訪冊

里有喪事隣近各斂錢為酒食代欸弔者

舊志

巨族皆建祠堂置蒸嘗產業以供祀事設書田以

助士人膏火

清明墓祭冬至祠祭薦新家祭忌辰特祭

元日晨興供神祀祖先畢卑幼拜見尊長致祝詞尊長荅以溫語出而遍拜鄉黨親友交賀三四日乃已謂之拜年迎春日裝扮雜劇迎土牛芒神經過處男女簇觀以芒神為太歲爭撒菽粟謂之祈豐年散痘疫是日以薑葱拌生菜啖之以逐生意

初四至十六坊鄉神廟結綵張燈鼓吹達曙互相邀飲或裝扮春色行遊鄉落所至之處皆有花紅果酒以謝之蓋借是以洽鄉隣使童叟歡忻和睦也二月上戊烹豚醢酒祭社祈穀卜筮以課晴問雨聚飲而歸各携遺肉秋社亦如之清明日門插青柳或戴于首前三日卽有事于墓祭草木旅生墓次者芟薙掃除亦謂之剗青俱同上

四月八日以媽菱葉

此俗名也本草不載與胡菱不同味頗香云去濕瘴氣香

山李遐齡初夏卽事詩云飢盤媚客茶瓜外入米香嗽鸞菱餅幾枚卽指此媽鸞土音稍異耳

粉作餅分送姻戚五月一日插蒲艾于門裹角黍祀家神祖先畢饋遺親鄰舉家飲紅黃硃砂酒初

鶴山縣志卷之二下

地理

二

一初三初四日俱至三夾海觀競渡惟二五兩日沙坪墟期不競俗遂傳爲龍忌日簪花掛紅坐船頭者謂之龍頭亦曰龍總龍總不論老少必出重金得之謂最吉利年未成童者則父兄抱持之親戚以酒肉相餉龍總設筵報謝所費不貲其餘奪標鬪捷皆畧如他邑故事云採訪冊

吳槐炳三夾競渡詩并序地名三夾者鄉人競渡之所也每逢端陽前二日士女駢填笙簫鼎沸香風髻影飄拂于酒船歌板之間沿河觀者不下萬人洵太平盛事也余作竹枝詞十首聊備風謠用補遺缺冀同里諸君子見而和之庶後之採風者有所考云爾西江潮退水平流滑笏波浮淺淺舟兩岸齊呼龍出水逢逢鼙鼓響沙頭偶逢西潦未須愁晚造如期定有秋賀客滿堂酬不了今年郎做大龍頭二五墟期龍在田初三初四龍躍淵只期郎與龍爭健長在人間不上天龍頭高捧彩旗

迎綠角金鱗照水明最是今年風景好浪平天淨
不須驚綠陰深處好風吹六幅湘裙照水溜三板
船排平似掌窗開一列蛾眉瓜皮艇子故參差
纔近紅粧去較遲一種少年空目斷龍舟不看只
看伊龍舟午後正催齊斜照多情入髻低寄語同
心諸姊妹灣船切勿對河西春風此度未曾違晚
露涼生白苧衣挈伴分行如白鷺正逢簫鼓送龍
歸五絲纏臂續前因艾虎釵符色色新明日端陽
齊息鼓免郎憑甲楚靈均深杯那惜醉顏酡兩日
佳期夢裏過記取風流三夾水年年五月會嫦娥

七月七日女子陳瓜果乞巧于庭或合錢結棚延
道士五衆禮拜各家繡小荷包平口弓鞋之類以
供天孫事畢出闈投之于是有輕薄少年訪知某
物爲某所繡某貌美某女紅精好出重金必得之
既得卽以誇示于衆此風殆不可長也是日汲井
水貯之水永不生蟲可已百病謂之聖水月半爲

鶴山縣志卷之二下

地理

三

盂蘭會設酒食焚楮衣以祀其先俗呼龍目爲圓
眼以圓眼分餽鄰里謂之結緣中秋以牛肉相餉
月餅柚子芋頭糖塲糖雞之類佐之屠牛者之家
先一日外戚畢至飽啖後早起各挈牛肉歸兒童
取瓦礫砌成浮屠空其中實薪焚之謂之燒梵塔
婦人以柚子剝去其肉刻花卉人物然燈其中謂
之柚燈好事者記其巧拙而甲乙之九日拜墓登
高童子于秋初放紙鷓是日以火斷其線任其隨
風而去謂之流鷓以除疾病云同上

冬至祭祖祠分胙天氣和煖則食魚膾臘月二十
四日爲小年夜家祀灶神曰送神朝天除日掃舍

宇易桃符門厨井灶祖禰徧祭之墓近則祭墓謂之送年飯具油粉煮團謂之煎堆研米和糖作餅爲元旦相餽之具雖貧無缺者舊志雙橋鬧洞等村于除夕子夜兒童相聚大呼好禾以祈歲稔名曰

叫禾

採訪冊

惠潮來民多農鮮賈依山而居以薪炭耕作爲業故其俗樸而淳與土著差異土著之民多商鮮農貧者亦習工技以治生故其俗文而巧舊志

語音東西南北各不同大抵平聲皆類仄聲客民語音更各異土音必有遮字讀人聲爲語助詞謂事

宜如此曰仍又曰拱問何如曰幾仍甜鹹二字同

鶴山縣志卷之二下

地理

四

音謂知爲諦于事已知曰諦踪言知其踪跡也又曰諦頭言知其頭緒也做事便捷曰輓輓小兒憨跳曰鷓唧老人康健曰能蹕謂人欺曰笠又曰坎探親戚曰邏遊蕩曰撩背負小兒曰翳謂物件曰閒惹成人曰獠牯小兒曰戇仔此其大畧也他如天讀若憲頭讀若侯肚讀若斗脚讀若郭塘讀若杭路讀若漏此則字同而音稍異亦如楚人名轉曰邇名園曰搏謂牢爲雷東齊呼息爲泗青徐謂兄爲荒常山人謂伯爲穴江東呼獵爲獠之類耳

採訪冊

物產

古勞之麗水冷水山阜皆植茶其最佳者曰石巖頭以其生于石上味特香烈白露日採者謂之早白露能愈百病邑中物產惟此可以甲諸郡崑崙山亦產白雲茶可已痢疾然不多得舊志近則自海口直至附城毋論土著客家多以茶爲業種茶之法先于七八月下種次年正月卽發嫩葉可采凡采一次謂之一造每年有六造十月後葉老無可采矣十二月則去其枝約離地三四寸許并鬆其根旁之土用草厚覆之至來年樹愈茂而嫩芽多茶畦必栽蠅樹葉細如豆蠅喜集焉則不爲茶害葉落畦上茶不生蠃性又善于引水使茶地不燥

鶴山縣志卷之二下

地理

五

天旱又降水以滋茶故昔人謂蠅樹者茶之所賴以爲潔而德于茶者也

採訪冊

烟有生熟之分其種各別南雄所產者生烟新會鶴山所產者熟烟也本邑種烟村落甚多以古蠶芸蓼沐河爲上蓋地氣使然田一畝約種烟草一千四百根烟葉乾後約得三百餘斤作烟畦者先于隔歲子丑兩月用牛犁田使極碎近大寒節下種先作小坎以淡灰培其根逐漸下麴糞待三四月成熟割其葉以竹作夾約而束之使不卷不歎暴諸日中日過烈卽收置陰處以回其油如是者再四久之色鮮勻而味香美若白撞雨卒至則葉

斑駁生黑點或日色太猛則驟乾而無油面作鐵色或帶青色如是俱不得善價故必就近搭蓋烟廠家人婦子俱出舍于郊手指眾多易于收拾也摘烟葉後刈其幹以水浸之曬乾作炊將此田樹晚造出穀倍旺蓋地力之肥潤未盡也故祿洞萃岡雅瑤等鄉地高而燥不宜早稻而利于種烟豐以麴糞可易瘠土爲沃土晚稻所收倍過于腴田焉

坡山維敦皆以蠶爲業幾于無地不桑無人不蠶廣語曰廣蠶歲七熟閏則八熟記曰一歲八繭出日南是也自三月至九月月一熟以三十二日爲

鶴山縣志卷之二下

地理

六

度三日一蛻蛻則不食是謂一眠眠至四而繭成然眠必齊眠乃良齊眠曰大眠若九蠶眠一不眠則九爲一所累而俱敗有大蠶小蠶之別大蠶歲一熟小蠶曰二蠶三蠶亦曰連蠶言相連不絕月月熟也蓋出于正月養于二月熟于清明前後者曰大蠶成繭後七日變蛾生卵以紙裹之至臘月盡乃再出又爲來年之大蠶蠶性喜燥畏寒惟大蠶則能受寒而畏暑故歲止一熟也廣語又曰大蠶繭四千小者六千可獲絲一斤大蠶絲光滑而細小者不及計一婦之力歲可得絲四十餘斤桑葉一月一摘摘已復生計地一畝月可得葉五百

斤蠶食之得絲四斤家有十畝之地以桑以蠶亦可充八口之食矣坡山之絲線良順德龍江之線綢良然蠶種率購之九江而爲絲及線乃獨良非女手之不同也水色異也然蠶人極苦蠶室必温必潔忌風忌潮忌穢忌蠅四者一犯則敗有至四眠而竟敗者桑葉忌濕濕則蠶作水脹而無絲或積雨之後蠶既餓而葉未乾則或以饑而敗或以食濕葉而敗故有以飼蠶而致富又有以飼蠶而得窮者又命運之不同也

俱同上

越塘雅瑤以下則多以績麻織布爲業布既成又以易麻棉而互收其利其堅厚而闊大者曰古勞

鶴山縣志卷之二下

地理

七

家機

舊志

雙橋繭紬以山桑飼蠶堅實可比兗州山繭

維敦多魚塘魚利最饒常舟載而鬻諸省會出棠美北門者尤肥美

三寶坑出礪石爲各省利用蠟石水晶之類亦間有之

大障貝山離城三里產黃鸝山雞又近縣城諸山有大蝴蝶文成五彩如羅浮所產獲其一折花葉一枝以線繫之夜懸簷際詰朝卽有來相就者

同上

謹案鶴邑無多物產古勞茶之外唯烟草最盛除所有者他邑俱有不必備載

古蹟 奎閣附

坡亭在鶴山縣東北五十五里石螺岡大清一統志

岡前危石飲江奔濤齧岸東望則澄江如練一碧

千里舊志宋紹聖中蘇軾謫儋州過此畱數日居人

慕之築亭于上遺址尚存陳獻章詩水繞寒柯霧

半籠遊絲輕曳釣船風三洲覽徧題名處閒向坡

亭說長公黃淳新會舊志

明易奇際重修坡亭記鄉名坡亭景賢也宋蘇文忠公南遷過此畱連不能去居人為築亭於石螺山上迨今五百餘年草柔如茵不穢不棘甚矣賢人君子如此其重也在朝朝重在野野重前此不有吾鄉耶乃今以坡公特聞當公以驚鱗鍛羽之餘身若辭枝之葉未識漂泊何所乃信宿之地而人遂以為坡亭也倘然四顧山不甚高而危石飲江奔濤齧岸勢不啻千萬仞也其東則澄江如練

鶴山縣志卷之二下

地理

八

一瀉千里海目橫黛屹為連環鐵鎖西山朝來致有爽氣足供拄頤巋然魁閣若奎壁之拱天翼然晴峯如舞鳳之展彩風雨釣磯邱壑堪置此老烟月柳堤小艇欲添吾翁千態萬妍濃粧淡抹紛入亭中此勝景殆足以來公者宜公之來之也宜居人之亭之也公以少年上第仁宗讀其制策喜為子孫得賢宰相愛其文膳進忘食稱為天下奇才撤御前金蓮龍茶銀合一時二聖樹藉甚厚顧猶使海濱炎徼之外有帆影履跡人耶天耶雖然公之文章事業節義流風輝映千秋興起百代則洋溢中外有無欠餘矣孝宗之贊曰氣高天下乃克為之凡是數者道公之浩然者也今之聞鳳親炙亦皆公之浩然而長存者也况吾輩生長是鄉任其遺址湮沒地老天荒無以處坡亭也無以處名吾鄉也今幸鳩工既畢杯酒落成乃書此而泐諸石

國

朝陶天球坡亭晚望同易中文宣人兄弟作石欄斜欹沒魚牀萬頃秋生海氣涼帆點遠天連岸白浪涵晴日背山黃石臺依舊風流杳水榭還畱姓字香我正臨風更懷古醉乘烟艇膾鱗鯉凌揚藻坡亭懷古詩岷峨山人謫仙儔天教晚作南荒遊雪泥鴻爪偶寄跡流連旬日堪千秋伊昔

元祐更紹聖厚陵徂落宮中鏡逐臣再貶惠州來
氣與江山角豪橫泊然酣醉羅浮春思表無邪德
有鄰朝朝飽飯恣游衍慣狎鴉鴉披荆榛坡山村
畔螺山上想見逍遙倚筇杖至今亭子傳高風七
百年來此吟望藤纏蘇蝕頽復修要使地與名俱
畱公念金蓮心北闕人懷玉局誇南州左旁巋然
轟祠宇元氣淋漓互撐拄生前忠藎薄雲天死後
英靈走風雨西樵七十二峯青翠黛彎環對尹邢
朝雲眉嫵恍復見天涯芳草餘孤亭茲游奇絕平
生冠憑眺無勞費三歎吹唇沸地卞與惇任索癡
疵起詩案由來謹論久彌昭矧公百世垂孤標亮
節疾風知勁草鴻才巨壑翻寒潮後生望古縈胸
臆孟浪希蹤醉餘墨行當景彼人中龍浩氣橫空
凌八極

龍之虬詩韓江蘇海姓名馨想像高風上古亭遠
水獨舍千里白好山猶隔兩朝青揚雄住處憐無
定丁令歸來信有靈此日登臨多感觸條條雲雁
下寒汀螺峯曲曲抱沙灣依舊坡亭控此間秋
夜有人耽水月風騷無主自江山蘿封小院經聲
寂烟裊平堤柳絮閒風景宛然人已杳坐聽虛澗
響潺湲

鶴山縣志卷之二下

地理

九

謹案坡公至新會事于公集無所考據開
平縣有蘇渡口亦謂因公所過而名之白沙
詩蘇公渡口雲連水卽指此開平舊新會
地也夫此亭之建歲月旣久志乘相傳其
來亦遠是不必置辨若如舊志竟入流寓
則竊所未安也又案石螺舊志作石濕濕
蓋螺字之誤查前明新會志俱作螺字

東坡里在坡亭東南公嘗于此摘荔食之美因以
指搯其核後所生荔支有指甲痕又去亭數十步
爲坡公泊舟處僅一穴可下楸餘皆頑石也泊舟
于此可以避蚊云

舊志

凌揚藻咏東坡荔詩不向楓宸植翻撩草澤吟海
風扶直幹巒雨鍊丹心剋核那能改披圖何處尋
遙思三百夥知味嶺南深
龍之虬詩斜日照坡山虬珠萬樹殷縱經梅雨濯
難掩爪痕斑獨立蘇隄上如親學士顏徘徊思手
澤不敢逐枝攀

朝雲亭在坡亭之左 國初金陵馬稀建今圯

國朝易宏重修朝雲亭記斯山有坡亭以來登覽者
不知幾許矣然皆湮沒無聞男子不具剛腸直可
悠悠視息卒而身死名湮與草木同腐也悲夫予
生于世二十年矣進未及請纓闕下退未暇息足
幽林而以夢幻之身風塵跋涉良可悼嘆已酉春
歸故園徘徊斯山見其亭址猶存半沒於荒煙蔓
草去亭數武相傳為朝雲亭云夫朝雲坡公妾也
何以識蓋公以少年上第登金門上玉堂一旦飄
零萬里挈美人于蠻煙瘴雨之鄉遐想當年雖風
塵寥落中猶有此佳興髻擁巫雲裙拖湘水盈盈
態度與江山風月掩映爭清五百年來風流如昨
憫予小子欲問仙靈爰於舊址而亭之左右有翠
竹蒼松映帶環抱下則川流激湍聲震空巖舉目
橫江銀河千里樵峯鴈嶺浮綠籠霞信勝地也亭

鶴山縣志卷之二下

地理

十

成杯酒而落之感性命之不永傷歲月之易淪謹
誌其事嗟夫茫茫天下錦繡才人過而停棹者勿
惜珠璣幸畱名字感予斯
言亦以予為有心人否也

桃萌洞在萊巢村牛鬪山麓上有天池幽巖石室

松竹林中建玉臺宮相傳呂仙降筆於此

國朝呂光弼詩寧須漁父引已是得迷津勝地不飲
酒桃花應笑人黃雲峯外影紅雨洞中春却返江
門權相將訪隱淪
李隆詩路入桃源客易迷秋光驢背赴招携前賢
尚友寒雲外白社相尋古洞西石桌清幽三徑曲
天桃垂蔭萬枝低登臨適有巢村好幽賞何須到
武溪
陸植仁詩選勝仍尊江上村桃花灼灼至今存書
題蹟厚封苔壁吟笑聲繁出洞門滿地綠雲凝翠
葉一天紅雨沃芳根十分秀麗河陽似沉醉東風
幾樹
蕃

劉仙姑壇在崑山絕頂天旱祈雨立應

謹案劉仙姑卽新興之劉三妹也仙壇到處有之流俗傳訛不足取信然輿地紀勝已載有劉三妹歌仙石則宋以前早有此說矣

易宣義郎故宅在玉橋里自宋元明至今子孫世居之週圍牆壁依舊俱同上

咿唔衲衲在坡山亞魁里內明邑令題易

遠易時遇時際兄弟讀書處今尚存採訪冊

坡山別業明易訓建今廢同上

易訓坡山別業詩荒山風味澹頗愜野人居素食薦薇蕨高眠枕道書絺衣輕夏未絳葉墮晴初久已辭車躡門前草懶鋤

鶴山縣志卷之二下

地理

十一

小石渠在黃洞爲黃明琮藏書之所舊志

日涉園在越塘村庠生馮梓材築同上

嶺雲亭在選田村大雲寺前邑令黃大鵬建今廢採訪冊

採訪冊

螺源社在越塘望樓里左陸象賢致仕歸與本鄉

文士吟咏於此遺跡尚存有螺源社詩集傳世舊志

國朝馮廷選過螺源詩社遺址有懷鄉中先輩詩騷壇遺跡訪詞源螺黛青山曲抱村莫謂巴人吾舊里應知梁客自荒園維雷文采林邊映鶯弄歌吟苑裡喧昔日風流疑未泯至今大雅又誰存

天柱閣在坡山水口環翠閣在大基頭圓珠閣在

港村俱乾隆十九年古勞都公建

呂連芳天柱閣記人文因平地運地脈視乎水源水之流行地之靈氣存焉我古勞一都之水支分

派合發源於崑崙匯流於坡山說者謂坡山水口地勢微嫌坦易惟賴偶山以爲一川之砥柱然偶山孤峙萬頃之中距水口尚離三里許且偶山之涘東北爲南海順德襟帶西南爲高明新會接壤一柱之力爲力幾何夫水之關鑰順平地脈而氣運繫於天心天心見乎人事鶴邑新創劉侯甫下車卽以養民教士爲政治既修鶴城書院以訓多士復縮俸廉倡建義學集紳耆於沙坪詔之曰地運難知而教育則可操券也士民因聯請輸力并建三閣以束形勢侯許之自甲戌春初鳩工至秋季義學告竣越三月而滘溪圓珠閣坡山環翠閣水口天柱閣皆落成矣高皆六十餘尺惟天柱閣地勢較高旋抱益力望之上矗雲霄下瞰浩瀚內與環翠接連外與偶山拱揖翹然江干厥柱卓立焉余謂昌黎爲六代挽瀾廬陵爲兩宋鑰學海二子皆文章之砥柱也今進而所謂不可階而升者欲擊一柱於下焉穹窿碧落且不得而限之豈但地脈水源之壯麗已哉此侯之意也謹記之以共勉云

鶴山縣志卷之二下

地理

三

以水名之亦卽以形名之也曷爲乎建是閣山林川澤之秀洩而必蓄故水之朝宗于海者自有所以捍之堪輿家所稱華表星是也曷爲乎額以迴瀾閣之東北與潮汐通潮汐一至逆流而上會諸源頭活水左右潑洄逸士騷人歌之咏之雖然侯之建閣而錫茲嘉名也果以騁才人筆墨乎哉良以地之靈實由人之傑今中流之砥者止此翹然一閣耳沐我聖朝栽培涵育而生長于斯者當必有挺厥骨幹迴障狂瀾旣如閣之拔乎其萃又如珠之在淵光燄千尋奕奕而不可掩也夫乃可以登斯閣而仰答我侯高着眼界之意云爾是爲記

鄧棟傑環翠閣記畧都有坡亭勝景也歲在甲戌邑侯劉父師以倡建崑陽義學之餘相地於坡亭西南里許暨之文閣顏曰環翠與天柱圓珠二閣相鼎峙美哉觀乎吾都三面倚山惟東北一隅濱海其中繡壤相錯物產蕃庶煙火相連人文蔚起而斯地更當水會之衝實爲蒼萃之域今因形勢而建之閣豈踵事增華徒表一方巨觀乎一都秀靈蓋由是聚矣夫事苟關乎風教卽一建置一命名而皆可識其深意蘇文忠公以身所偶經之地風流餘韻至今猶存况邑侯培我地脈振我文風

滋以崑陽之化雨我都人土其顧名思義有感而興則所以仰副我侯之厚意者正自靡涯寧獨是閣之與坡亭並垂不朽哉

雙閣在四合村東南二里南北二座夾鎖大河乾

隆十九年麥姓公建

劉繼四合雙閣記世人每於村之水口建樓閣以為收束此形家捍門之說也鶴邑四合村麥姓聚族而處羣峯列前枕後溪水東繞西環茂林左紫右拂誠雙橋一大都會也獨東南一面空曠平衍覽勝者謂是護衛有缺今年春彼鄉人士當其位兩建文閣以障之美哉雙峯插天巋然並峙規模整而氣象新是豈惟以壯一方之觀哉三月望余因公過其地紳耆以禮來迎憇息憑眺之餘覺陽春煙景大塊文章無不收來眼裏且文人學士吟風弄月可于斯田夫野老課晴問雨可于斯游目騁懷陶情適性洵足樂也而余於此則又有說天地雖大不能泯缺憾于斯人惟聖人為能養欲給求使之各遂其生人性雖善不能無偏全之各殊惟聖人為能陶鎔變化使之各復其性他如早作

鶴山縣志卷之二下

地理

三

夜思勤亦可以補拙從善如流功亦可以補過人為之足貴大抵如斯也茲閣之建其亦補偏救弊之意乎推而廣之引而伸之以有餘補不足而義田可設衣食足而教化行而義學可興由是家室盈婦子寧比戶有可封之俗家詩書戶絃誦禮樂有相先之雅將見人以地顯地以人傳異日鄉名君子可也里號高陽可也後之登斯閣者有不頓焉改觀也哉時紳耆丐余言以為記余因廣其意以應之

文武閣在越塘盤石里前

三元閣在堯溪村之東下有龍潭釣臺邑令黃大

鵬堯溪道上詩云夕陽影裡三元閣夜月明時七

鞏橋

文間閣在烏石灣東夾大河

俱同上

東關頂文閣乾隆五十四年邑令唐錚倡建

採訪冊

南門外罩山文閣嘉慶十一年建今毀

匯瀾閣在維敦乾隆二十七年洛社堡建

文元閣在蓮塘

隔蒨文閣在村左紗帽岡同上

寺觀

龍潭寺在隔水村東元大德間創今圯寺前有石

乳泉

舊志

悟覺堂在古博五圖塘浪村走馬岡為梁月華立

云堂奉敕名不可考已

黃淳新會舊志

謹案新會舊志月華恩平人永樂間至走

馬岡成佛坐化囑其鄉人曰早即禱我禱

鶴山縣志卷之二下

地理

十四

輒應鄉人立祠祀之後敕名悟覺堂云

鳴鳳菴在石硯山下明崇正十二年建乾隆十四

年僧道宏募化重修邑人李暢馥為之記

舊志

鐘山寺在龍溪鐘山削石為壁剝石為地僧無垢

建

龜齡菴在樓冲龜山之麓邑令黃大鵬題其軒曰

碧巢從菴後折而之左叠磴而上為一隅亭鄉人

呂文煥自建又有觀奕臺梅田甘泉諸勝

白雲菴在荷村

螺山禪院在坡山乾隆八年易廣騰倡建

白蓮觀音寺在岡尾山上

聖堂寺在四合村東雍正元年賊首李黑三率其黨欲劫四合見神將揚旗威武賊放炮輒返擊乃退走

青山寺在大塘為六圖任李二姓鄉約俱同上

坊表

兄弟義士坊在附城都凌村宋末為陳元輔陳英輔出粟濟師建明嘉靖二十四年御史陳儲秀重

建舊志

解元進士坊明宏治元年為陳英輔裔孫經綸建世沐恩光坊在祿洞明成化二十二年為進士李渭始祖忠翊郎李友聞建

鶴山縣志卷之二下 地理

五

貞壽坊在四合乾隆五年為麥翰慶妻楊氏遇難守節壽屆百齡建乾隆四十年圮

貞節坊在幕房雍正十三年為趙成潤妻李氏建節孝坊一在樓冲乾隆五年為何登先聘室方氏

建一在黎村乾隆十一年為生員黎烈璫妻張氏建同上一在縣城外東關頂乾隆五十六年為羅阿

元聘妻麥氏建採訪冊

百歲坊在堯溪嘉慶十九年為李朝德建同上

冢墓

南漢偽劉王墓在古博都白柱坪久已蕪沒黃淳新會

舊志

明浙江宣平縣知縣何昌墓在大雁山採訪冊

謹案新通志昌字克昌順德人天順三年

已卯領鄉荐知浙江麗水縣擒劇寇鄭亞

八一郡獲安以丁憂歸服闋補宣平道出

麗水民爭迎焉其為政寬厚不擾邑芳草

創乃修學宮置祭器繕公署樹坊表有古

循吏風嘗請減坑課辦額歲銀一千兩兩

邑民戴其惠入覲考績居最力求歸年七

十卒後宣平人潘湘來為清軍御史立遺

愛坊以表之孫宏鰲鰲曾孫思贊皆讀書

登科能繼其志云又按昌墓在大雁大貴

鶴山縣志卷之二下

地理

六

人峰新通志據黃佐墓誌云明湖廣左布

政使何鰲墓在大雁山問之士人俱訛指

昌墓為鰲墓弟鰲改葬墓表云先葬大雁

十一載嘉靖乙巳遷于蜆岡今鰲墓乃在

高明三洲吉樓山蓋又再遷矣而蜆岡墓

前翁仲及石牌坊尚如故云

明淮安府同知鄉賢李渭墓在祿洞大坑飛鳳山

採訪冊

明隱士謝祐墓在葵根山新通志

明湛若水墓碣銘於乎此吾友謝葵山之藏也葵

山名祐字天錫廣州府庠生棄去從遊白沙先生

於江門聞混淪之學自林南川外惟葵山獨得其

指曾從石翁遊古勞葵根山石翁詩曰手拍崑崙

歌沈寥虹橋月下拜相邀謝生卜築葵根宅纔到
葵根怕路遙天錫遂結廬栽茗爲生日吾不猶多
於雲卿之屢乎安貧樂道糟糠不饜腹布襪不掩
脛甘泉子與之詩有日短襪度元冬其貧如此晏
如也天錫生於甲寅年六月初八日終於丙寅年
九月二十日一子宗濂云被天錫勸之駕乃因母命
肯會試者將十二三年矣天錫遺詩四首中有日生從何
赴禮闈辱上第天錫病遺詩四首中有日生從何
處來化從何處去化與生便見真元處又日
相觀不盡言君歸我無口已而果然可哀也甘泉
子奉使安南爲正德八年癸酉十二月親往葬之
葵山已西向之原至嘉靖癸丑十月則甘泉子致
南京兵部尙書事已十四年矣遣守墓古真福天
祐代奠之天祐者少服侍白沙先生七十以上不
忘舊也甘泉子旣將龕公神位與陳清江同祀於
白雲尙友堂時侍食於師側蓋二君皆無後也予
哀之遂修其墓而誌之墓碣系以銘曰於乎公乎
求志於葵精神在於葵子藏公體魄于葵維手植
茗於葵白縣帖福祀于葵於乎瞻葵
之陽山高水長公在宇宙死而不亡

謹案葵根山見山川志邑庠生梁之楠林

鶴山縣志卷之二下

地理

七

定三再至其地三日夜徧訪祐墓不可得
蓋一望皆種茶樹而墓已湮沒久矣

明南京太常寺少卿黃重墓在龜山上

同

明黃佐墓誌銘國家必有慎憲炳幾之臣獻納匡
球而後中外賴以又安正德之季忠賢滿朝若吾
廣毅齋黃公始其人也已公諱重字子任南海人
正德戊辰進士授行人擢外艱歸服闋復職壬申
使伊藩葬祭事竣御其金帛鞍馬行至懷慶遣人
馳投以金復御之筮仕之初行已蓋瞻如也癸酉
使遼東勞夷人卻鎮巡例贈如使伊時甲戌以績
最擢戶科給事中巡視內十庫光祿寺宿弊俱革
乃建言重名器久任用慎薦舉省權課四事戶部
奏從所請商旅稱便已而清理畿內倉場權貴避
焉丁丑復以績最獲賜恩父母時左都御史彭澤
坐夷情削籍公奏請寬宥以昭往功輿論韙之尋
進兵科右給事中考選京衛武官淑慝罔弗當者
會毅皇帝北巡迎駕有勞賜金幣數事遂疏乞歸
省復賜寶鑑以行庚辰復任尋擢內艱歸癸未服
闋補吏科右給事中市魁李陽鳳挾中官勢恣爲

奸利方付刑部俄改錦衣獄尙書林俊執奉不聽
授乃疏慎政令以圖治安會災異修省復疏詔令
不常爵賞太濫聽言不宏營建不節言甚剴切聞
者危之甲申夏進兵科左給事中太監潘真出鎮
荆湖違例丐請公封駁不避秋以言禮杖于午門
外奪進戶科都給事中賜金幣寶錕丙戌充武舉
考官取孫堪爲首時稱得人丁亥畿內饑疏請賑
濟詔行其言多賴存活入侍經筵擢南京太常少
卿先是三擬進秩皆不報久乃獲遷比涖事養牲
役厨人受其惠已丑星變以自陳致仕忌者快之
公論深惜焉時同年呂楠謫金陵嘗書喬岳大川
氣象青天白日襟懷以贈歸構草堂刻柙書以自
况云公平居和易諧謔然嫉惡向義則勇奮不顧
有姊適會氏而貧每捐貲贖還其產業同寮張漢
卿落職貧甚瀕行傾囊賜焉鄉之漁民有官責其
逋課垂死者見卽爲之代償潘伯通等十人誣陷
盜獄爲白其冤皆得釋他如革橫刷之舟築捍澇
之腫鄉人頌德輒自遜謝其行誼類此巡撫錢如
京疏請起用而公已卒嘉靖己亥七月壽六十有
二計聞上遣官特賜諭祭以某年月葬于新會龜
山之原予與公臭味相同者茲銘其寤誼安可辭
銘日惟拯有昏其蠹也漸公思鋤之慎我成憲惟

鶴山縣志卷之二下

地理

六

哀罔闕其來也微公思補之炳于先幾赫赫清卿
望著逾艾彼何人斯淪胥以敗和若混俗義則超
羣我銘公藏以昭後昆

謹案龜山之名不一重墓在赤坎村後俗

又謂之船山

明江西布政使司參政陳萬言墓在大雁山

探訪

明郭子章撰墓誌南海陳先生子章師也先生由
名進士嘉靖末爲御史隆慶改元出督豫章學穆
皇帝詔郡國貢士實太學先生舉章應詔又十餘
年章出守潮州先生業已謝簪綬逍遙扶胥之濱
往來羅浮之麓章期會入番禺朝先生上食先生
遣二子從余遊余稍遷巴蜀別先生去已而之吳
之越之晉馳驅世路無能再侍函丈而先生癸巳
年卒于寢鳴陽鳴岳兄弟旣襄事入楚以墓碑屬
子子讀永州狀先生出處大致生沒榮名具載矣
讀先生疏奏詩文立朝之建白居鄉之淳固具載
矣子何能置喙獨念先生由筮仕跋歷中外數十
年人情所趨趨遂巡而避者先生易之及其末年

居邊陲累歲月以躋膺登崇人情所歷階拾芥而取者先生難之則豈非命哉司理職在讞法摯令三尺耳帝子之國郡國守相事何與理官而先生理池陽庀舟輿訝景藩不逢其怒害池人倚爲命至今伏臘俎豆如故御史內結相國卽不橋處亦冀出而行縣得展布四體佐百姓方鄒御史應龍彈首相子嚴世蕃柄家儇子瞻勢益殖鼻息所衝上拂霄漢誰敢直櫻其刺先生過鄒結生死歡曰雖緣此見廢芳香多矣聞倭張甚委先生按閩試國手危棋未必卽活先生結汪中丞舉戚將軍以逐倭而救閩汪文露沉戚武露布先生鼎而三以再造七閩厥功宏鉅哉夫敦陳整旅據梧校文判然兩物先生甫成戰功且督之校士于閩省于蜀于豫章分蕭蘭別澗淄毫髮不爽有文事者有武備然耶再起大名備兵永平久緣武功共推邊才當其時汪中丞入屬司馬戚將軍被鹵薊門人言旦暮職肘腋下而先生不能容容要津以參知江右竟掛冠歸五嶺去由池陽闖蜀豫章以前觀先生之才謂既易人所難由大名永平以后觀先生之功名又難人所易嗟乎難易之際亦足以嘉問坳則鼎銘勒之金石俾弗失墜予小子弗克築室于場其敢以不文辭爰屬筆而爲之記

鶴山縣志卷之二下

地理

九

山

明鄉進士曾應珪墓在大雁山

明葉春及墓誌銘畧公諱應珪字侯信其先保昌人也宋咸淳末景始遷南海九江里祖經生二子俊儲皆應鄉書俊仕爲融縣合有遺愛語在本傳是爲鶴峯公卽公父也母鄭夫人人生公于珠山幼神穎三歲侍父宦遊應對如成人日誦數千言目數行下訓太守戴公喙奇之七歲日誦數千言目數行下十歲師事刺史朱公廷亮學益殖于書無所不窺錢塘田公汝成督學嶺表文非秦漢以上不談得公文奇之甚選補博士弟子嘉靖癸卯應鄉書于顧數奇養旣不逮則不復赴公車嘗言官者棺也故夢棺而得官財者糞也故夢糞而得財吾安能束縛棺中而以身蒙不潔乎公旣無意于世則自托于酒人與問里浮沉相隨行門雞走狗絕迹公

府謝諸貴人不與通葛巾木履散髮便腹漁樵間
卽貧坐客常滿樽酒不空或召飲不問姓名輒往
往輒醉用此無賢不肖無不得其歡心嘗夜出遇
惡少年行劫公佯醉曰夥頤乎對曰始往耳公醉
請扶歸過汪公曰慎之慎之一人深淵不復出矣
入舍諸鼓少年曰曾公殆謂我乎于是散去卒之日
里方伐鼓于社爲之罷樂嗟乎公可富而貧可貴
而賤世方逐逐公獨于世方赫赫公獨嘿嘿脩
然塵外棲心化元忘寵辱齊死生一物我斯亦東
方嵇阮之流可與善宦以腴妻孥簞金以驕里閭
者同日而語哉築醉隱樓故所著書名醉隱樓橐
原葬西樵大良山太守胡公心得移計偕舟車助
喪仲子等奉遺命不受東莞禰衍曾盧堯典李元
表南海何亮賻之乃克葬新會大雁之黃竹山北
向時萬曆十一年癸未十二月十三日也配朱夫
人後公八年卒葬新會繼龍岡銘曰祥荆東下惟
九江卜世九葉滋阜昌伯仲州縣播循良的皜一
珠爛夜光文章奇崑高九皇商鼎周彝儼兩行大
木蔽牛宜廟堂鳳皇在笈雞雉翔臣詩歸乎遊醉
鄉弟畜阮籍與嵇康君亦胡爲入視禡南海區區
塵一觴欲沒東瀛澆腎腸濯髮洧盤晞扶桑弭節
總轡聊相羊帝下招之遣巫陽明月寶璐侍帝傍

鶴山縣志卷之二下

地理

三

俯視濁穢如蜣蜋龍骨已蛻山之岡今葬黃竹昔
大良繼龍大雁遙相望子孫萬世奉蒸嘗不佞撰
銘鐫北邙試看
南斗氣光芒

明奉政大夫湖廣永州府同知陳良珍墓在大雁山

謹案良珍墓在大雁蟹山良珍字在璞號

淇涯南海人嘉靖己酉科舉人歷任黟縣

教諭聘廣西同考試官江西廣信府推官

湖廣彝陵州知州廣西鬱林州知州福建

鹽運副使湖廣永州府同知署永州府事

崇祀府縣鄉賢詳載廣州府志南海縣志

人物傳

明廣州鄉賢知州何道瀾墓在大雁蓮花山

謹案廣州鄉賢傳道瀾字濬伯順德人嘉靖壬子舉于鄉壬戌授郟城教諭朔望集諸生于堂擇其行之優者而尊禮之以爲多士式豐其廩給而親爲訓迪甲子江西御史聞其名聘主江西鄉試乙丑署長葛縣漢水阻絕行人病涉道瀾捐俸築石梁以濟長葛至今賴焉尋遷安化縣寬和無擾百廢具舉撫按薦循良第一賜金獎異遂陞上思州知州時土司黃宗美黃賢相聚衆數萬爲亂制府廉其才以兵事屬之

鶴山縣志卷之二下

地理

三

道瀾身履行間規畫里道出奇制勝生擒宗美賢相臺使者敘功以聞賜之金幣道瀾內勤撫字外籌兵食積勞成疾遂乞休歸會順德令胡友信築縣城與之均役定賦民不擾而事集又請臺使者汰五巡司冗兵其樹德于梓里甚多今人猶能道之

明冠帶壽官潘見龍墓在茶山

謹案見龍字翔甫號檜峯順德冲鶴人爲白沙先生弟子萬歷間廣東提學張邦翼採其詩入嶺南文獻茶山在雲堆村後

明諫議大夫黃葵日墓在傑洲黃塘坑

俱同上

國朝梁佩蘭墓誌銘公諱葵日字獻君號郁華南海
九江處士午陽先生次子也弱冠為諸生便以忠
孝自許領崇正丙子鄉薦庚辰登進士第奉假歸
省曾氏太夫人侍膳問安不離膝下尤以先封翁
午陽公早逝為恨時方多故公畱心桑梓向當事
陳利弊以除民害暇則與士大夫講論身心性命
之學當時名士如彭子耑王玉子震生羅子子開
輩朱履盈庭問難不輟公初選大理寺評事奉差
山東催餉而兩都淪陷海內倉皇猶統軍贛州累
遷兵刑二科給事迨國祚終移天命有在公進退
無權隨歸奉母遂無意人間世故其哭張芷園先
生詩有爾死有用我生奚為之句哀痛成病太夫
人慮之公強起曰兒誓事母幸無過慮然病已
日深不復療矣噫公上能致身下不危母從容以
盡天年真可謂生平自許忠孝而無負矣公所著
有四書出目一部詩經明訓一部尚待剗劂公生
于明萬曆丙申年三月二十五日申時終于
皇清順治辛卯年九月十六日寅時享壽五十有
六與宜人岑氏合葬于黃塘坑丁癸丑未之原子
廷杞執先人行狀請予為銘銘曰公之文章元黃
黼黻公之忠孝民彝物則人驚其才
吾欽其質黃塘新窆是為萬古之宅

鶴山縣志卷之二下

地理

三

藥逕司巡檢張起渭墓在水口飛鵝山

舊志

起渭浙江山陰人康熙五十七年蒞任捕盜甚

勤雍正元年卒于官葬水口飛鵝山乾隆十九

年巡檢董宏表捐俸買魚塘桑地付坡山耆老

收租祭掃勒石北帝廟並立神主福德祠祀焉

同上

鶴山縣志卷之二下終

